

如來滅後五五百歲始觀心本尊抄

本朝沙門日蓮撰

摩訶止觀第五云

世間与如是一也
開合異也

夫一心具十法界一法界又具十法界
百法界一界具三十種世間百法界
即具三千種世間此三千在一念心
若无心而已介尔有心即具三種_千乃
至所以稱為不可思議境界意在

於此等云云

或本云一界具三
種世間

問曰玄義明一念三千名目乎答曰
妙樂云不明問曰文句明一念三千名目
乎答曰妙樂云不明問曰其妙樂積
如何答曰並未云一念三千等云云問曰
止觀一二三四等明一念三千名目乎
答曰无之問曰其證如何答曰妙樂云
故至止觀正明觀法並以三千而為指

南等云云疑云玄義第二云又一法界具九法界百法界千如是等云云文句第一云一入具十法界一界又十界十界各十如是即是一千等云云觀音玄云十法界交互即有百法界十種性相冥伏在心雖不現前宛然具足等云云問曰止觀前四明一念三千名目乎答曰妙樂云不明問曰其積如何答弘決第五云若望正觀全未論行亦歷廿五法約事生解方能堪為正修方便是故前六皆屬於解等云云又云故至止觀正明觀法並以三千而為指南乃是終窮究竟極說故序中云說已心中所行法門良有以也請尋讀者心無異緣等云云夫智者弘法三十年廿九年之間說玄文等諸義明五時八教百界千如前五百餘年之間

責諸非并天竺論顯未述章安
大師云未^{天竺}竺大論尚非其類震旦
人師何勞及語此非跨^誇耀法
相然耳等云云兼知此事嘆曰斯言

若墜无墓哉天台末学等花
嚴真言元祖盜人^被盜取一念三千
重寶還成彼等門家章安大師
兼知此事歎言斯言若墜将来
可悲云云問曰百界千如与一念三千
差別如何答曰百界千如限有情界
一念三千亘情非情不審云非情
亘十如是草木有心如有情可為
成佛如何答曰此事難^信難解也
天台難信難解有二一教門難信
難解二觀門難信難解其教門
難信難解者於一佛所說尔前諸

經二乘闡提未來永不成佛教主
積尊始成正覺來至法花經迹本二門
壞彼二說一佛二言水火也誰人信之
此教門難信難解也觀門難信難
解百界千如一念三千非情之上色
心二法十如是是也雖尔於木畫二像
者外典內典共許之為本尊於其義
出自天台一家草木之上不置色心因果
木畫像恃^奉本尊无益也疑云草木
国土之上十如是因果二法出何文乎答曰
止觀第五云国土世間亦具十種法所以
惡国土相性躰力等云云
積籤第六云相唯在色性唯在心躰力作緣義
兼色心因果唯心報唯在色等云云
金錕論云乃是一草一木一礫一塵各一
佛性各一因果具足緣了等云云
問曰出^慶既聞之觀心之心如何答曰

觀心者觀我已心見十法界是云
觀心也譬如雖見他人六根未見
自面六根不知自具六根向明鏡之
時始見自具六根設諸經之中
所^慶々雖載六道并四聖不見法
花經并天台大師所述摩訶止觀等
明鏡不知自具十界百界千如一念
三千也問曰法花經何文天台釈如
何答曰法花經第一方便品云欲令
衆生開佛知見等云云是九界所
具佛界也壽量品云如是我成佛
已來甚大久遠壽命无量阿僧
祇劫常住不滅諸善男子我
本行菩薩道所成壽命今猶
未盡復倍上數等云云此經文佛
界所具九界也經云提婆達多
乃至天王如來等云云地獄界所具
佛界也經云一名羅^藍波^婆乃至汝等

擁受

但能護持法花名者福不可量等
云云是餓鬼界所具十界也經云
龍女乃至成等正覺等云云此畜生
界所具十界也經云婆稚阿修羅王
乃至聞一偈一句得阿耨多羅三藐
三菩提等云云修羅界所具十界也
經云若人為佛故乃至皆以成佛道等
云云此人界所具十界也經云大梵天
王乃至我等亦如是必當得作佛
等云云此天界所具十界也經云舍利弗
乃至花光如來等云云此聲聞界
所具十界也經云其求緣覺者比
丘比丘尼乃至合掌已敬心欲聞
具足道^等云云此即緣覺界所具
十界也經云地涌千界乃至真淨大法
等云云此即菩薩所具十界也經云
或說己身或說他身等云云即佛
界所具十界也問曰自他面六根共見之
於彼此十界者未見之如何信之答曰

法花經法師品云難信難解宝塔品云六難九易等云云天台大師云二門悉與昔反難信難解章安大師云佛將此為大事何可得易解也等云云傳教大師云此法花經最為難信難解隨自意故等云云夫在世正機過去宿習厚之(之)上教主積尊多寶佛十方分身諸佛地涌千界文殊弥勒等扶之令諫曉猶不信者有之五千去席人天被移況正像何況末法初哉汝信之者非正法問曰經文并天台章安妙樂等解釋無疑網但以火云水以墨云白設雖為佛說難取信今數見他面但限人界不見餘界自面亦復如是如何立信心乎答數見他面或時甚或時瞋或時平或時貪現或時癡現或時諂曲瞋地獄貪餓鬼癡畜生諂曲修羅甚天平人也於

他面色法六道共有之四聖冥伏不現委細尋之可有之問曰於六道雖不分明粗聞之似備_之四聖全不見如何答曰前人界六道疑之雖然強言之出相似言四聖又可尠歟(識)誠_試添加道理万一宣之所以世間无常有眼前豈人界无二乘界乎无顧惡人猶慈愛妻子菩薩界一分也但佛界計難現以具九界強信之勿令疑惑問曰法花經文說人界云欲令衆生開佛知見涅槃經云學大乘者雖有肉眼名為佛眼等云云_末代凡夫出生信法花經人界具足佛界故也問曰十界互具佛語分明雖然我等劣心具佛法界難取信者也今時不信之必成一闡提願起大慈悲令信之救護阿鼻苦答曰汝既見聞唯一大事因緣經文不信之

自矜尊已下四依菩薩并未代理即
我等如何(汝)救護汝不信乎雖然誠言試
之值佛不覺者阿難等邊得道者
有之其機有二一見佛法花得道二
不見佛法花得道也其上佛教已前漢土
道士月支外道以儒教四井陀等為
緣入正見者有之又利根菩薩凡夫等
聞花嚴方等般若等諸大乘經以
緣顯示大通久遠下種者多々也
例如獨覺飛花落葉教外得道
是也無過去下種結緣者執著
權小者設奉值法花經不出小權
見以自見為正義故還以法花經
或同小乘經或同花嚴大日經等
或下之此等諸師劣自儒家外道
賢聖者也此等且置之十界互具
立之石中火木中花難信值緣出生
信之人界所具佛界水中火火中水

最甚難信雖然龍火出自水龍水生自火不得心有現證用之既人界八界信之佛界何不用之如堯舜等聖人者於萬民无偏頗人界佛界一分也不輕菩薩於所見人見佛身悉達太子自人界成佛身以此等現證可信之也問曰教主釈尊此自之堅固三惑已斷佛也又十方世界國主秘之一切菩薩二乘人天等主君也行時梵天在左帝釈帝釈侍右四衆八部聳後金剛導前演說八万法蔵令得脱一切衆生如是佛陀以何我等凡夫之令住己心乎又以迹門尔前之意論之教主釋尊始成正覺佛也尋求過去因行者或能施太子或儒童菩薩或尸毘王或薩埵王子或三祇百劫或動喻逾塵劫或无量阿僧祇劫或初發心時或三千塵點等之間供養七万五千六千七千等之佛積劫行滿今成教主釈尊如是因位諸行皆我等己心所具菩薩

界功德歟以果位論之教主釈尊
始成正覺佛四十余年之間示現
四教色身演說尒前迹門涅槃經
等利益一切衆生所謂花蔵之時
十方臺上盧舎那阿含經三十四
心斷結成道佛方等般若千佛等
大日金剛頂等千二百余尊并迹
門寶塔品四土色身涅槃經或
見丈六或現小身大身或見盧舎
那或見身同虛空四種身乃至
八十御入滅留舎利利益正像末
以本門疑之教主釈尊五百塵點
已前佛也因位又如是自其已來
分身十方世界演說一代聖教教化
塵數衆生以本門所化比較迹門
所化一滂与大海一塵与大山也本門
一菩薩對向迹門十方世界文殊觀
音等以猿猴比帝釈尚不及

其外十方世界斷或證果二乘并
梵天帝釈日月四天四輪王乃至无
間大城大火炎等此等皆我一念
十界歟己心三千歟雖為佛說不可
信之以此思之余前諸經實事也
實語也花嚴經云究竟離虛
妄无染如虛空仁王經云窮源盡
性妙智存金剛般若經云有清淨善
馬鳴菩薩起信論云如來藏中
有清淨功德天親菩薩唯識論云
謂餘有漏劣无漏種金剛喻定
現在前時引極円明純淨本識
非彼依故皆永弃捨等云云余前經々
与法花經校量之彼經々無数也時說
既長一佛二言可付彼馬鳴菩薩
付法藏第十一佛記有之天親千部
論師四依大士也天台大師邊鄙小僧
不宣一論誰信之其上捨多付小
法花經文分明少有恃怙法花經文

何所十界互具百界千如一念三千
分明證文有之隨開拓經文斷諸
法中惡等云云天親菩薩法花論堅
惠^慧菩薩^{法寶}性論十界互具无之
漢土南北諸大人師日本七寺末師
之中无此義但天台一人僻見也傳教
一人謬傳也故清涼國師云天台之謬
惠^苑苑法師云然以天台呼小乘為三藏教
其^名謬^監監等云云了洪云天台獨未盡花
嚴之意等云云得一云咄哉智公汝是
誰弟子以不足三寸舌根而謗覆面
舌之所說教時等云云弘法大師云震旦
人師等諍盜醍醐各名自宗等云云
夫一念三千法門一代權實削名目
四依諸論師不載其義漢土日域
人師不用之如何信之答曰此難最甚
々々但諸經与法花相違自經文事起
分明未顯与已顯證明与舌相二乘成
不始成与久成等顯之諸論師事(章)

天台大師云天親龍樹內鑒泠冷然外適
時宜各權所據而人師偏解學者苟執
遂興矢石各保一邊大乖聖道也等云云
章安大師云天笠竺大論尚非其類真
旦人師何勞及語此非跨誇耀法相然
耳等云云天親龍樹馬鳴堅惠等
內鑒泠冷然雖然時未至故不宣之歟
於人師者天台已前或含珠或一向不知
之已後人師或初破之後有皈伏人或
一向不用者有之但可會斷諸法中惡
經文也彼法花經載尔前經文也往
見之經文分明十界互具說之所謂欲
令衆生開佛知見等云云天台兼此經文
云若衆生无佛知見何所論開当知
佛之知見蘊在衆生也云云章安大師
云衆生若无佛之知見何所開悟若貧
女无藏何所示也等云云但所難會上教主
釈尊等大難也此事佛遮會云已今
当說最為難信難解次下六難九易

是也天台大師云二門悉與昔反難
信難解當鋒難事章安大師云佛
將此為大事何可得易解耶傳教
大師云此法花經最為難信難解隨自
意故等云云夫自佛至于滅後一千八
百余年經歷三國但有三人始
覺知此正法所謂月支釈尊真旦
智者大師日域傳教此三人內典聖人
也問曰龍樹天親等如何答曰此等聖
人知而不言之仁也或迹門一分宣之不云
本門與觀心或有機教歟無時歟或機時
共無之歟天台傳已後知之者多々也用
二聖智故也所謂三論嘉祥南三北
七百余入花嚴宗法藏清涼等
法相宗玄奘三藏慈恩大師等真言宗
善無畏三藏金剛智三藏不空三藏等
律宗道宣等初存反逆後一向皈伏也
但遮初大難者無量義經云譬如國
王夫人新生王子若一日若二日若至
七日若一月若二月若至七月若一歲

若二歲若至七歲雖復不能領理國
事已為臣民之所宗敬諸大王子以為
伴侶王及夫人心愛心偏重常與共語所
以者何以稚小故善男子是持經者亦
復如是諸佛國王是經夫人和合共生
是菩薩子若菩薩得聞是經若一
句若一偈若一轉若二轉若十若百若
千若萬若億萬恒河沙无量無數
轉雖復不能躰真理極乃至已為
一切四眾八部之所宗仰諸大菩薩以為眷
屬乃至常為諸佛之所護念慈愛偏
覆以新學故等云云普賢經云此大乘
經典諸佛寶藏十方三世諸佛眼目乃至
出生三世諸如來種乃至汝行大乘不斷佛
種等云云又云此方等經是諸佛眼諸佛
因是得具五眼佛三種身從方等生
是大法印印涅槃海如此海中能生三種
佛清淨身此三種身人天福田等云云
夫以釈迦如來一代顯密蜜大小二教花嚴
嚴真言等諸宗依經往勘之或十方
臺葉毘盧遮那佛大集雲集諸佛如

來般若染淨千佛示現大日金剛頂等
千二百尊但演說其近因近果不顯其
遠因果速疾頓成說之亡失三五遠
化道始終削跡不見花嚴經大日經
等？^一往見之似別円四藏等再往勘之
同藏通二教未及別円本有三因无之
以何定佛種子而新訳訳者等來入漢
土之日見聞天台一念三千法門或添加
自所持經々或自天笠^竺受持之由稱之
天台學者等或同自宗悅或貴遠
蔑近或捨舊取新魔心愚心出來
雖然所詮非一念三千佛種者有情成
佛木畫二像之本尊有名无實也
問曰上大難未聞其會通如何答曰
无量義經云雖未得修行六波羅蜜六
波羅蜜自然在前等云云法花經云欲聞
具足道等云云涅槃經云薩者名具足等云云
龍樹菩薩云薩者六也等云云无依无得大
乘四論玄義記云沙者決云六胡法以六
為具足義也吉藏疏云沙者翻為具
足天台大師云薩者梵語此翻妙等云云

私加會通如贖本文雖尔文心者
積尊因行果德二法妙法蓮花經
五字具足我等受持此五字自然讓
与彼因果功德四大聲聞領解云
无上宝珠不求自得云云我等已心聲
聞界也如我等无異如我昔所願今
者已滿足化一切衆生皆令^入佛道妙覺
積尊我等血肉也因果功德非骨髓
乎寶塔品云其有能護此經法者則
為供養我及多寶乃至亦復供養諸
來化佛莊嚴光飾諸世界者等云云
積迦多寶十方諸佛我佛界也紹繼
其跡受得其功德須臾聞之即得
究竟阿耨多羅三藐三菩提是也
壽量品云然我實成佛已來无量无
邊百千万億那由他劫等云云我等已
心積尊五百塵點乃至所顯三身无始
古佛也經云我本行菩薩道所成壽命
今猶未盡況復^倍上數等云云我等已心
菩提等也地涌千界菩薩已心積尊眷属
也例如太公周公旦等者周武臣下成王幼

稚眷屬武內大臣神巧^功皇后棟梁仁
德王子臣下也上行無邊行淨行安立行
等我等己心菩薩也妙樂大師云當知身土
一念三千故成道時稱之^此本理一身一念
遍於法界等云云夫始自寂滅道場
花藏世界終於沙羅林五十余年之
間花藏密嚴三變四見等之三土四土
皆成劫之上無常土所變化方便實報
寂光安養淨瑠璃^密嚴等也能變
教主入涅槃所變諸佛隨滅盡土又以
如是今本時娑婆世界離三災出四劫
常住淨土佛既過去不滅未來不生所
化以同躰此即己心三千具足三種世間也
迹門十四品未說之於法花經內時機
未熟故歟此本門肝心於南無妙法蓮
花經五字佛猶文殊藥王等不付屬
之何況其已下乎但召地涌千界說八品
付屬之其本尊為躰本師娑婆上
寶塔居空塔中妙法蓮花經左右
釈迦牟尼佛多寶佛釈尊脇士上行
等四菩薩文殊弥勒等四菩薩眷屬

居末座迹化^{他方}多寶大小諸菩薩万民慶大地如見雲閣月卿十方諸佛慶大地上表迹佛迹土故也如是本尊在世五十余年无之八年之間但限八品正像二千年之間小乘釈尊迦葉阿難為脇^士權大乘并涅槃法花經迹門等釈尊以文殊普賢等為脇士此等佛造畫正像未有壽量佛來入末法始此佛像可令出現歟問正像二千余年之間四依菩薩并人師等建立余佛小乘權大乘尔前迹門釈尊等寺塔本門壽量品本尊并四大菩薩王國王臣^俱未崇重之由申之此事粗雖聞之前代未聞故驚動耳目迷惑心意請重說之委細聞之答曰法花經一部八卷二十八品進前四味退涅槃經等一代諸經惣括之但一經也始自寂滅道場終至于般若經法花經序分也无量義經法花經普賢經十卷正宗也涅槃經等流通分也正宗於十卷中亦有序正流通无量義經并序品序分也自方

便品至于分別功德^品十九行偈十五品半
正宗分分別功德品自現在四信至于普
賢經十一品^半一卷(半)流通分也又於法花經
等十卷有二經各具序正流通也无量義
經^{序品}分自方便品至于人記品八品正宗
分自法師品至于安樂行品五品流通分
論其教主始成正覺佛說本无今有
百界千如超過已今當隨自意難信
難解正法也尋過去結緣大通十六之時
下佛果下種進者以花嚴經等前四味
為助緣令覺知大通種子此非佛本
意但毒發等一分也二乘凡夫等前四味
於緣漸々來至法花顯種子遂開顯
機是也又於在世始聞八品人天等或聞
一句一偈等為下種或熟或脫或至普賢
涅槃等或正像末等以小權等為緣入
法花例如在世前四味者又本門十四品一經
有序正流通涌出品^{半品}為序分壽量品
前後二半此為正宗其餘流通分也論
其教主非始成正覺釈尊所說法門

亦如天地十界久遠之上國土世間既顯一念
三千殆隔竹膜又迹門并前四味无量
義經涅槃經等三說悉隨他意易信
易解本門三說外難信難解隨自意也
又於本門有序正流通自過去大通佛
法花經乃至現在花嚴經乃至迹門十四品
涅槃經等一代五十余年諸經十方三世
諸佛微塵經々皆壽量序分也自一品
二半之外名小乘教邪教未得道教
覆相教論其機德薄垢重幼稚
貧窮孤露同禽獸也余前迹門
円教尚非佛因何況大日經等諸小乘經
何況花嚴真言等七宗等論師人師宗
与論之不出前三教奪云之同蔵通
設法稱甚深未論種熟脱還同灰
断化无始終是也辟如雖為王女懷任妊
畜種其子尚劣旃陀羅此等且閣之
迹門十四品正宗八品一往見之以二乘為正以
菩薩凡夫為傍再往勘之以凡夫正像末
為正正像末三時之中以末法始為正中正

問曰其證如何答曰法師品云而此經者如來現在猶多怨嫉況滅度後寶塔品云令法久住乃至所來化佛當知此意等勸持安樂等可見之迹門如是以本門論之一向以末法之初為正機所謂一往見之時(大通)以久種為下種大通前四味迹門為熟至本門令登等妙再往見之不似迹門本門序正流通俱以末法之始為詮在世本門末法之初一同純円也但彼脫此種也彼一品二半此但題目五字也問曰其證文如何答云涌出品云尔時他方國土諸來菩薩摩訶薩過八恒河沙數於大衆中起立合掌作礼而白佛言世尊若聽我等於佛滅後在此娑婆世界勤加精進護持讀誦書寫供養是經典者當於此土而廣說之尔時佛告諸菩薩摩訶薩衆止善男子不須汝等護持此經等云云自法師已下五品經文前後水火也寶塔品末云以大音普告四衆誰雖能於此娑婆國土廣說妙法花經等云云設雖為教主一佛將勸之藥王

等大菩薩梵帝日月四天等可重之慶
多寶佛十方諸佛為客佛諫曉之諸
菩薩等聞此懃懃懃付屬立我不愛身命
誓言此等偏為叶佛意也而須臾之間佛
語相違誓制止過八恒沙此土弘經進退惟谷
不及凡智天台智者大師作前三後三
六秬會之所詮迹化他方大菩薩等以我
內證壽量品不可授与末法初謗法國
惡機故止之召地涌千界大菩薩壽量品肝心
以妙法蓮花經五字令授与閻浮衆生
也又迹化大衆非尊初發心弟子等故也
天台大師云子弘父法有世界益妙樂云
是我弟子不弘我法輔甫正記云以法是
久成法故付久成之人等云云又弥勒菩薩疑
請云經云我等雖復信佛隨宜所說佛
所出言未曾虛妄佛所知者皆悉通達
然諸新發意菩薩於佛滅後若聞是語
或不信受而起破法罪業因緣唯願然
世尊願為解說除我等疑及未來世諸
善男子聞此事已亦不生疑等云云

文意者壽量法門為滅後請之也壽量品云或失本心或不失者乃至不失心者見此良藥色香俱好即便服之病盡除喻^愈等云云久遠下種大通結緣乃至前四味迹門等一切菩薩二乘人天等於本門得道是也經云餘失心者見其父來雖亦歡喜問訊求索治病然與其藥而不肯服所以者何毒氣深入失本心故於此好色香藥而謂不美乃至我今當設方便令服此藥乃至是好良藥今留在此汝可取服勿憂不差作是教已復次^至他國遣使還告等云云分別功德品云惡世末法時等云云問曰此經文遣使還告如何答曰四依也四依有四類小乘四依多分正法前五百年出現大乘四依多分

正法後五百年出現三迹門四依多分
像法一千年少分末法初也四本門四依地涌
千界末法始必可出現今遣使
還告地涌也是好良藥壽量品
肝要名妙躰宗用教南无妙法蓮
花經是也此良藥佛猶不授与
迹化何況他方乎神力品云尔時千
世界微塵等菩薩摩訶薩從地涌
出者皆於佛前一心合掌瞻仰尊
顏而白佛言世尊我等於佛滅後
世尊分身所在國土滅度之處当
廣說此等云云天台云但見下方發
誓等云云道邃宣暹云付囑者此經唯
付下方涌出菩薩何故尔由法是
久成之法故付久成之人等云云夫文殊
師利菩薩東方金色世界不動佛

弟子觀音西方無量壽佛弟子
藥王菩薩日月淨名德佛弟子普賢
菩薩寶威佛弟子一往為扶耜尊
行化來入娑婆世界又尔前迹門菩薩也
非本法所持人不足末法弘法者歟
經云尔時世尊乃至一切衆前現大神力
出廣長舌上至梵世乃至十方世界
衆寶樹下師子座上諸佛亦復如
是出廣長舌等云云夫顯密蜜二道
一切大小乘經中釈迦諸佛並坐舌
相至梵天文無之阿彌陀經廣長
舌相覆三千有名無實般若經舌
相三千放光說般若全非證明
此皆兼帶故覆相久遠故也如是
現十神力地涌菩薩囑累妙法五字
云經云尔時佛告上行等菩薩大衆諸
佛神力如是无量無邊不可思議

若我以是神力於无量无边百千万
億阿僧祇劫為囑累故說此經功
德猶不能盡以要言之如來一切所有
之法如來一切自在神力如來一切秘
要之藏如來一切甚深之事皆於此經
宣示顯說等云云天台云從余時佛
告上行下第三結要付屬云云傳
教云又神力品云以要言之如來一切
所有之法乃至宣示顯說已上經文明知果
分一切所有之法果分一切自在神力果
分一切秘要之藏果分一切甚深之事
皆於法花宣示顯說也等云云此十
神力以妙法蓮花經五字授与上（淨）
行安立行淨行无邊行等四大菩薩
前五神力為在世後五神力為滅
後雖余再往論之一向為滅後也故
次下文云以佛滅度後能持是經故

諸佛皆歡喜現无量神力等云云
次下囑累品云尔時釈迦牟尼佛
從法座起現大神力以右手摩
无量菩薩摩訶薩頂乃至今以付属
汝等等云云以地涌菩薩為頭迹化
他方乃至梵釈四天等囑累此經
十方來諸分身佛各還本土乃至
多寶佛塔還可如故等云云藥王
品已下乃至涅槃經等地涌菩薩去了
為迹化衆他方菩薩等重付属之摺
拾遺囑是也疑云正像二千_年之間地
涌千界出現閻浮提流通此經乎答曰不尔驚
云法花經并本門以佛滅後為本先
地涌千界授与之何正像出現不弘
通此經乎答云不宣重問云如何
答不宣之又重問如何答曰宣之

一切世間諸人如威音王佛末法又我弟子
中粗說之皆可為誹謗嘿默止求云
不說汝墮慳貪答曰進退惟谷
試粗說之法師品云況滅度後壽量
品云今留在此分別功德品云惡世末
法時藥王品云後五百歲於閻浮提
廣宣流布涅槃經云譬如七子
父母非不平等然於病者心則偏
重等云云以已前明鏡惟知佛意佛
出世非為靈山八年諸人為正像末
人也又非為正像二千年人末法始為
如予者也云然於病者指滅後法花
經誹謗者也今留在此者指於此
好色香味藥而謂不美者也地涌千界
不出正像者正法一千年之間小乘權大
乘也機時共无之四依大士以小權為

緣在世下種令脫之多謗可破熟
益故不說之例如在世前四味機根
也末法始像法中末觀音藥王示現
南岳天台等出現以迹門為面以本
門為裏百界千如一念三千盡其義
但論理具事行南无妙法蓮花經
五字并本門本尊未廣行之所
詮有円機无円時故也今末法初以
小打大以權破實東西共失之天地
顛倒迹化四依隱不現前諸天弃其
國不守護之此時地涌菩薩始出現世
但以妙法蓮花經五字令服幼稚因
謗墮惡必因得益是也我弟子惟
之地涌千界教主釈尊初發心弟子
也寂滅道場不来雙林最後不訪
不孝失有之迹門十四品不来本門

六品立座但八品之間來還如是高
貴大菩薩約足三佛受持之末法初
不可出歟當知此四菩薩現折伏時成賢
王誠責愚王行撰受時成僧弘持
正法問曰佛記文云答曰何後五百歲
於閻浮提廣宣流布天台大師記
云後五百歲遠沾妙道妙樂記云
末法之初冥利不无傳教大師云正像
稍過已末法太有近等云云末法太
有近穢我時非正時云意也傳教
大師日本記末法始云語代像終末
初尋地唐東羯西原人則五濁
之生鬪諍之時經云猶多怨嫉況
滅度後此言良有以也此穢鬪諍之
時云云今指自界叛逆西海侵逼
二難也此時地涌千界出現本門穢

尊為脇士一闍浮提第一本尊
可立此此國月支震旦未有此本
尊日本國上宮建立四天王寺
未來時以阿彌陀他方為本尊
或聖武天王建立東大寺花嚴經
教主也未顯法花經實義傳
教大師粗顯示法花經實義
雖然時未來之故建立東方鵝
王不顯本門四菩薩所詮為地涌千界
讓与此故也此菩薩蒙佛勅近在大地
下正像未出現末法又不出來大
妄語大士也三佛未來記亦同泡沫
以此惟之无正像出來大地震大彗星等
此等偏非金翅鳥修羅龍神等
動變四大菩薩可令出現先兆歟

天台云見雨猛知龍大花見盛池知深等
云云妙樂云智人知起蛇自識蛇等
云云天晴地明識法花者得可世法歟
不識一念三千者佛起大慈悲五字
內裏此珠令懸末代幼稚頸四大
菩薩守護此人大公周公撰扶文成王
四皓侍奉惠帝不異者也

文永十年太才癸酉卯月二十五日

日蓮註之

惟一黑三長筆五管
墨
給候了
觀心法門少々注之
奉太田殿教信御房
等此事日蓮當身
大事也秘之見無二志
可被開拓之歟
此書難多答少未聞
之事人耳目可
驚動之歟設及他見
三人四人並座勿讀之

佛滅後二千二百二十余年
未有此書之心不顧國難
期五々百歳演說之
乞願曆一見來輩
師弟共詣靈山淨土
拜見三佛顏貌

恐恐謹言

文永十年太才癸酉卯月二十六日

日蓮 花押

富木殿 御返事

觀心本尊抄御副狀一一

富木殿へ

日蓮